

魯山縣志卷九

原任山東博山縣知縣偃師武億

同纂

魯山縣知縣餘杭董作棟

地理志

古蹟

太和城

水經注引張衡南都賦曰奉先帝而追孝立唐祠於堯山
堯山在太和城東北渚水出焉

案方輿紀要伊陽縣太和山在縣西南汝水逕其下山有
太谷北魏置太和城是也又宋之間歇馬嶺詩太和亦崔
嵬石扇橫閃條蓋亦指此城

蠻城

水經注滄水又與波水合馬融廣成頌曰浸以波滌其水
又南逕蠻城下蓋蠻別邑也俗謂之麻城非也

大團城小團城

方輿紀要大孟山在縣西南七十里西接盧氏縣界山頂
並築四關若城俗呼爲大團城小團城山

魯陽縣故城

水經注滄水又東逕魯陽縣故城南城卽劉累之故邑也
有魯山縣居其陽故因名焉

案今縣西三十里地名邱公城卽其地兩漢魯陽縣治並
因之

魯陽城

水經注澠水又東北合牛蘭水水發縣北牛蘭山東南逕魯陽城東

方輿紀要魯陽城今縣治南戰國時楚邑史記魏武侯十六年伐楚取魯陽漢置縣後漢初平初關東諸將討董卓袁術屯魯陽旣而孫堅與術合軍二年堅敗卓兵至雒陽還屯魯陽自是常爲戰守處後魏太和二十年廣州刺史薛法護降于齊時州治魯陽也二十三年魏主之喪自宛北還太子恪至魯陽與長會乃卽位其後東西魏相爭魯陽尤爲重地

案此卽今縣治元魏時廣州刺史及魯陽郡治皆其地而

北興國寺遙漫垣基若園城南俗呼望城岡當爲舊治址

魯陽故子城

太平寰宇記琴臺在縣故子城東南墻上

案今城北郭琴臺書院由東迤沿而北又折而西南岡阜隱伏綿亘曲迴卽子城遺址也地師誤爲龍脉可用此以折其妄

魯山北城

全唐詩蕭穎士重陽日陪元魯山德秀登北城矚對新霽

因以贈別

時元兄屢有掛冠之意

山縣遶古堞悠悠快登望雨餘秋

天高目盡無隱狀綿連渚川迴杳渺鷗路深彭澤興不淺

臨風動歸心。賴茲琴臺暇。傲睨傾菊酒。人和歲已登。從政復何有。遠山十里碧。一道衛長雲。青霞半落日。混合疑曠曠。漸聞驚棲羽。坐嘆清夜月中歡。恰有違行子。念明發。僅能泯寵辱。未免傷別離。江湖不可忘。風雨勞相思。明時當盛才。短技安所設。何日謝百里。從君漢之還。

案魯山北城卽太平寰宇記稱琴臺在魯陽故子城東南墻上者蓋指子城周迴紆折綿延舊址在唐尙未盡廢敗故詩云山縣遠古堞以目驗知之也。今惟少存坡陀他無可識矣。徐志九日陪元魯山登北城留別據全唐詩九日作重陽魯山下多德秀二字北城下多矚對新霽字留別作贈別又多因以字及本註詩內山縣留古堞留作遠。

綿澁水迴水作川人知歲已登知作和混合疑暗曠暗
晴短技安所試試作設今並改正

三雅路

太平寰宇記三雅路在縣西南七十里接鄧州南陽縣界

魯城

元和郡縣志魯城在縣東北十七里高齊置以禦周

通典魯山漢魯陽縣高齊於縣東北十七里置魯城以禦

周

太平寰宇記高齊於縣東北十七里置改爲魯城

赤城

方輿紀要赤城在縣東北三十里或曰漢赤泉城也高祖

封楊喜爲赤泉侯蓋邑於此志云劉裕伐姚秦時築以屯兵今爲赤城村

河南通志赤城在魯山縣東十八里世傳劉聚屯兵於此所築址尙存

案劉聚爲劉裕之訛傳刻誤也十一里亦非當作二十餘里

應城

水經注澧水東逕應城南故應鄉也應侯之國詩所謂應侯順德者也澧水又左合橋水水出魯陽縣北特山東南逕應山北又南逕應城西地理志故父城縣之應鄉也周武王封其弟爲侯國應劭曰韓詩外傳稱周成王與弟

以桐葉爲圭曰吾以封汝周公曰天子無戲言王乃應而封故曰應侯鄉亦曰應鄉按呂氏春秋云成王以桐葉爲圭封叔虞非應侯也汲郡古文殷時已有應國非成王矣戰國范雎所封邑也謂之應水

太平寰宇記故應城左氏邳晉應韓武之穆也注應國在襄城城父縣西南也韓詩外傳周城王與弟戲以桐葉爲珪吾以此封汝周公曰天子無戲言王應時而封曰應侯今應鄉卽此城也

方輿紀要應城在縣東三十里古應國左傳邳晉應韓武之穆也史記穆惠王六年與秦會處襄王十一年復與秦武王會于應又客謂周最以應爲秦王太后養地秦昭王

時范睢封于此曰應侯續漢志父城縣西南有應鄉後魏太和中置山北縣于此屬魯陽郡

按史記魏世家襄王六年與秦會應原本訛作惠王應訛作慮

明史藁地里志汝州魯山東有故應城

案今應城在寶豐縣此地未經分置寶豐時自屬魯山仍依傳記摭錄存之

魯陽關城

路史國名紀引九域志魯陽關城

平高城

元和郡縣志魯陽關水俗謂之三鴟水經縣西七里其

三鷗鎮在縣西南十九里後周置以禦高齊亦各平高
杜佑通典魯山漢魯陽縣後周置三鷗鎮在縣西南十九
里亦各平高城以禦齊

太平寰宇記平臯故城後周於此置三雅鎮在縣西南十
九里亦曰平臯城以禦寇後高齊又移於縣東北十七里
置改爲魯城以禦後周二城皆此邑地也

方輿紀要平高城在州西南十九里杜佑曰宇文周築此
以備齊又置三鷗鎮爲戍守重地亦曰平臯城城當三鷗
之口韋孝寬謂廣州義旅出自三鷗指此城

明史藝文志魯山縣西南有平高城

平臯城

河南通志王莽城在魯山縣城西南十八里王莽追
武至此築城

光武城

河南通志光武城在魯山縣城西南十八里光武爲莽所
逼築城拒之與莽城遙對

徐志俗傳光武王莽墓不知所據

犂縣故城

水經注滎水又東逕犂縣故城北左傳昭公元年冬楚公
子圍使伯州犂城犂是也

通典魯山漢魯陽縣有犂縣故城在今縣東南
太平寰宇記犂縣故城在縣東南存焉

明史藁地里志汝州縣 山縣東南有廢犇城縣

方輿紀要犇城縣東南五十里春秋時楚邑昭元年楚公子圍使伯州犁城犇又史記沛公與秦南陽守莊乾戰于犇東漢置犇縣屬南陽郡建武初遣岑彭擊荊州羣賊下犇葉等十餘城晉仍爲犇縣屬南陽國後魏改爲翼陽縣屬襄城郡西魏爲雒陽縣後周又置武山郡于此隋初卽廢開皇十八年改爲湛水縣屬伊州大業初復曰犇城縣屬襄城郡唐初廢又河 山城在犇城東南後魏太和二十一年置河山縣屬魯陽郡隋大業初省入犇城寰宇記云今葉縣境之河山保是也

古遶角城

通典魯山有古遶角城在縣東南

太平寰宇記魯山遶角城在今縣東南左氏謂晉師遇于遶角卽此也

方輿紀要遶角城在縣東南春秋時鄭地左傳成公六年楚伐鄭晉救鄭與楚師遇於遶角郡縣志魯山縣有遶角城

春秋地名考遶角城成公六年晉欒書救鄭于楚師遇於遶角杜注鄭地

汝南城

方輿紀要汝南城在縣東南後魏永安初置汝南郡治符壘縣兼領汝南一縣後齊廢郡又以符壘縣并入汝南

仍曰汝南縣屬伊州隋初廢魯陽在縣東滄水之陽或曰
王世充所置唐初置魯州滄陽縣屬焉貞觀初廢

魯陽關

水經注滄水內載魯陽關水南流逕魯陽關左右連山插
漢秀木干雲是以張景陽詩云朝登魯陽關峻路峭且深
亦司馬芝與母遇賊處也

文選注引庾仲雍荊州記曰其北有四關魯陽伊闕之屬
也

隋書地理志襄城郡魯大業初州廢有關官

元和郡縣志魯陽關其關三鵝鎮在縣西南十九里

通典魯山漢魯陽縣今有魯陽關

太平寰宇記魯陽關淮南子云魯陽公與韓戰酣日暮援
戈而撝之日爲之反三舍卽此地也漢改爲關曰魯陽
新唐書地里志魯山有漢故關

明史藁地里志魯陽關在縣西南與南召縣界亦曰鴟路
鎮

案三國志司馬芝傳司馬芝字子華河內溫人也少爲書
生避亂荊州于魯陽遇賊同行者皆棄老弱走芝獨坐守
老母賊至以刃臨芝芝叩頭曰母老唯在諸君賊曰此孝
子也殺之不義遂得免害據是則傳稱魯陽卽魯陽關也
當引酈注補證魏志之文近杭大宗三國志注補失引

附文選張協雜詩朝登魯陽關峽路峭且深流澗萬餘

圍木數千尋咆虎響窮山鳴鶴聒空林淒風爲我嘯百籥
坐自吟感物多思情在險易常心竭來戒不虞挺轡越飛
岑王陽驅九折周文走岑峯經阻貴勿遲此理著來今
案張協字景陽舊志于藝文載此詩作張翰於古蹟作景
陽皆未及對勘致誤汝州志亦誤作張翰今據以改正

歇馬嶺關

明史藁地里志魯山有歇馬嶺關在縣西北

明史地里志魯山西北有歇馬嶺關巡檢司

魯陽鎮

魏書地形志魯陽郡太和十一年置鎮

元和郡縣志後魏太和十一年孝文帝南巡置魯陽鎮

三鷗鎮

周書權景宣傳郭賢大統十二年除輔國將軍南州刺史
及侯景來附思政遣賢先出三鷗鎮

通典汝州魯山縣後周置三鷗鎮在縣西南十九里

玉海通釋通典汝州魯山縣後周置三鷗鎮在縣西南十
九里亦名平高城以禦齊百重山在鄧州向城縣北卽三
鷗之第一又北分水嶺山嶺北卽三鷗之二其第三鷗入

魯山縣界韋孝寬陳伐齊三策其一廣州義旅出自三鷗

其二三鷗以北萬春以南廣事屯田預爲貯積

注郡縣志魯山縣魯

陽關水俗謂之三鷗水經縣西七里魯陽關在向城縣北
八十里今鄧汝二州于此分境荆豫徑途斯爲險要張景
陽詩云朝登魯陽關狹路峭且深